

專員鍾榮光謝超傑兩先生。及銀業大家鍾仲芄區永篤周文波諸先生。而副領事孫慕唐先生。下車伊始。尤加表示歡迎。時至一點。各先生一齊蒞止。由總理及各職員恭迎入座。暫事休息。即搖鈴開會。先由蔣總理宣佈歡迎理由。次由鍾榮光先生登壇道謝僑界歡迎盛意。及宣布嶺南大學之經過。與拓展農科大學之必要。洋洋數千言。全座皆大鼓掌。其餘各位先生。亦次第登台致謝。發揮偉論。娓娓動聽。每次演畢。皆掌聲雷動。直演至四句鐘後。乃開茶會。暢敘一堂。非常歡洽。聞是日各界之赴會者甚衆。座無餘隙。洵向來未有之盛舉。茶會之後。又開職員會議。磋商捐款協助嶺南農學事宜。議畢。至六點半鐘。復由鍾仲芄，蔣修身。陳丁如。蔣北斗。諸先生。大設筵讌。爲鍾榮光先生洗塵。並邀請官商社團各界多人。一齊赴讌。以叙桑梓之情云。

### 中華會館集議捐助嶺南農科大學之情形

昨九號中華會館開茶會歡迎鍾榮光各先生後。即開全體職員會議。討論捐助嶺南農科大學捐款事宜。先由總理蔣修身提議對於捐助嶺南農學之必要。及提出應助款若干。請衆研究。隨由黃仲和先生起立發言。謂教

育最爲重要。但現下粵省軍事倥傯。軍政府無力顧及教育。勢不得不由人民自行籌措。鍾先生辦理嶺南大學。成績最爲昭著。而農學又爲教育中之尤重要者。我僑界自當幫助。但中華會館。近來入息頗少。應協助多少之數。請共同研究。說畢。卽由蔣北斗先生起立發言。畧謂國家教育。最爲重要。試觀美國教育。抑何其盛。故國勢如是之富強。而中國大學。北方只有北京大學。南方只有嶺南大學。比諸他人。實爲失色。而農學尤爲重要中之最重要者。對於各人。個個有關係。亦個個當協助。吾尤欲爲在座諸公進一言者。中華會館前對於培正學校，博物圖書館。皆捐二千元。卽對於真光學校。亦捐千多元。至執信學校。則捐二千五百元。然彼等學校。皆是中學。今嶺南農科。是全省大學。比前當然加多。諸公研究。應捐三千抑四千。但就小弟之意。現中華會館。入息比前較少。亦不敢過量。大約以三千爲得中。比培正及圖書館多一千。比執信多五百。似乎可以適當。諸公以爲少。抑以爲多。不妨討論。說畢。又由陳丁如先生起立發言。極言農學之重要。鍾先生辦理妥當。於種植畜牧。大著成效。今日到來勸捐。係爲全粵人民計。苟僑胞多助一

元。即多買一元之種子。猶如移古巴農林畜牧之種子。輸而歸於廣東也。惜會館入息減少。否則四千元不爲多也。究竟蔣北斗先生所提三千元。諸公以爲多少。不妨詳細研究。時繼續發言者。則有陳伯清先生。對於農學關係之重大。及會館現在之情形。言之頗爲中肯。謂蔣北斗先生所提之數。不敢謂其少。亦不敢謂其多。是隱示以贊成三千元之意。厥後在座各先生。亦多有發言。大意皆極贊嶺南大學之完善。宜乎量力多捐。最後由蔣總理提出三千元。請衆付表決。黃仲和先生即起立贊成三千元爲適當。全場職員。亦即一齊起立贊成。遂通過。後由蔣北斗先生提議。請在座職員先捐。爲各界倡。即由蔣修身，鍾仲芍，陳丁如，蔣北斗，四先生。各捐銀一千五百元。爲各界倡。遂簽字散會云。

### 中華商會歡迎鍾謝兩先生紀盛

昨十一日。中華商會敬設茶會。歡迎鍾榮光，謝超傑，兩先生。時至下午二點鐘。該會商董即齊集會所。候鍾謝兩先生駕臨。即一一握手見禮。并柬請及各界報記者赴會。俟各界到齊。遂搖鈴開會。先由會長宣佈歡迎理由。次由鍾先生等答謝商會歡迎之盛意。并嘉許商會之善於保持